

兩浙名賢錄

兩浙名賢錄卷二十八目次

吏治

明一

太平府同知汪漢文

縉世

珙縣知縣趙伯和頃

福建左叅議鄭仲持湜

登州府知府周斌

湖廣僉事鄭好仁士原

莆田縣知縣董仁仲

桂陽丞姚伯良驥

安州知州王思祖

饒陽尹郭德茂櫜

德安丞馬源清漁

扶溝令陳聚奎奩

寧津縣知縣朱逢吉

巡按御史鮑克禮忠

濰州知州吳德基履

武進縣主簿朱仲安

德化令應錫祥履平

獻縣知縣高本中履享

建昌府知府盧希正義

平涼知府何子文士英

陝西叅政吳好德福

上元令錢伯英仁傑

星子令朱悅道文

知清江胡秉誠季本

英山知縣王漢章旭

雷州守常士昌

孫麟
附

南平令朱守恒孟常

新喻知縣洪鈞

常熟縣知縣柳敬中

鄧州知州陳朝陽葵

父雷

吉安府知府朱仲智

鹽城令王叔珩珩

祥符令湯文益添

杞縣知縣黃元輔隣

文昌主簿錢謙伯遜

柘城令周尚德弘

知泗州王孟暉

石首令方自新

叅政邢景暘旭

父沂成濟
邢儁用

山西僉事呂升章升

廣東僉事杜季璋瑄

刑部郎中王瑄

漢陽守徐信古述

閩縣知縣嚴伯宜祿

子珊
附

河南僉事祝存禮戒

當塗知縣張廷瞻崑

蘓州知府朱仲高勝

興化知縣呂邦用童

江寧知縣張大本得中

潛山知縣俞友謙益

臨江推官孫克正景名

貴溪知縣徐士宗

孫綬
軒附

餘干知縣蔡用嚴胄

平陽知縣謝蘭瑾

鄧州知州楊彥禮儀

刑部郎中周安

江西僉事顧與權吳

睢陽丞尤堯卿夔

河南叅政宋廷珪琰

知袁州姚敏學文

江西巡撫趙日新新

知安肅駱道升仕隆

河南叅政余天祥麟

子洵孫
果附

邵陽知縣何廷蘭永芳

伏羌知縣李用光貴昌

孫附

刑科給事朱惟純純

子宗
岳附

山西叅議秦維翰岳

吉安知府陳有源本深

隨州知州仲惟正

子瑾
頤附

瀘州判馮孟英傑

永清知縣章增

賓州知州俞大雅得儒

子附

江陵知縣張德和愷

徐州吏目王宗憲紀

松江府知府葉拱辰冕

安溪縣知縣潘靖

雲南叅議張翰英居傑

潛江知縣陳志行敏政

子附

廣東叅政劉有融煒

常德府知府朱廷儀縉

宜興知縣宗必彰顯

子佑
附

崖州知州徐廷振琦

濱州知州王惟準均

閩縣知縣張士昭倬

東昌府知府徐琅

廣西叅議甄克修完

蒙城縣知縣方宗淵源

廣東巡撫楊信民誠

廣西按察使江元勛勛

汀州通判吳廷用桓

子照杰附

開封府知府金尚德文

高州知府曹廷遜謙

廬州知府朱廷用鏞

曾孫孫奕附

欽州知州陳德溫淳

弟英子瑞從子珏孫仇附

潯縣知縣葉廷衡衡

泰和丞孫景暉暉

銀陵知縣陳良金鏐

寧國府知府沈士彝性

廣西叅政錢文煥奐

涇州知州劉克剛佩

鎮江府知府林一鸚鸚

湖廣僉事邵叔璋琮

孫樞樞子諒附

贛州知府姜廷器璉

高密縣知縣蕭用光昱

平原知縣王宗元愷

知合州金崇厚祺

嘉定知縣王用仁術

淮安通判李誠之文昭

武平縣知縣徐端

鳳陽知府章元進銳

莆田丞朱孟瑜瑾

子曠附

南陵知縣沈德元元

廬江縣知縣梅江

應天府尹吳文英雄

興化府知府王存敬弼

建寧府知府張用載大翰

兩浙名賢錄卷二十八目次終

兩浙名賢錄卷之二十八

東海徐象梅仲和氏謨

當湖陸深原嗣長氏閔

吏治

明一 共一百三十七人

太平府同知汪漢文縉世

汪縉世字漢文鄞人宋尚書大猷五世孫洪武初署行都督府掾授太平府同知推誠馭下吏民不忍欺事恒先期而集嘗有三虎踞林岡距城不五里白晝啖人民

患焉。繪世走檄驅之虎，卽遁去。秩滿陞湖廣按察司副使，振肅憲紀，姦欺多所撻發。然以寬濟明，亦未嘗巧爲鈞距以入人罪論者，以是賢之。

珙縣知縣趙伯和墳

趙墳字伯和，縉雲人。洪武初，耿再成駐兵黃龍山，引爲參謀。後知羅江縣，民俗犷悍，推誠慰撫，卒化其心。遷珙縣，嘗旱蝗，墳持耗苗禱於城隍，請身當其災，以塞爲吏無狀之咎。忽有靈鵲銜苗而去，頃臾大雨蝗滅，歲以稔。告所著有琴鶴集。

福建布政司左叅議鄭仲持湜

鄭湜字仲持，金華浦江之義門也。洪武十四年，奸人誣告其家，以交通賊臣事甚危。湜兄弟二十五人，而五人爲湜之兄。仲兄濂先以事在京，吏逮捕急，四兄欲行。湜奮曰：有弟在其，忍使兄陷刑辟。自詣吏請行。至京，兄濂迎謂曰：吾家長當任其罪，弟無與。湜曰：兄年耄，弟當任其責，非兄罪。二人相爭入獄。旣而太祖聞之，召二人至殿前，勞勉之，卽赦其罪，賜湯沐酒食，詔拜湜布政司叅政。吏部奏叅政無缺員，特設叅議之官以處之。遂授

中順大夫福建布政司左叅議賜冠帶襲衣。湜治福建吏民熟湜家聲相誡勿犯豪將病民者。湜與之爭可。否無不畏服。南靜縣民爲亂。誑誤者數千百人。部曲多掠其嬖女爲奴。湜皆言於諸將。縱遣去。兵不敢譁。商有二。人劇盜殺其一。而取其財。其一人得脫。鳴於官。捕盜在獄。驗屍無有。不肯承。湜夜取盜鞫訊。因縛置於庭。匿吏案下。俾聽其語。夜半盜顧庭空無人。果私語。始知其沉。廉。井中。明日詰盜以沉屍處。盜驚服。閩人神其政。明年人覲以疾卒於京邸。年五十有六。湜少竒警。受學於宋。

太史漁樵稱其長才姿貌魁偉識度宏卓負氣敢爲其事長待人瑾財御下皆有方所創條教皆可爲子弟法去其死二十年而正學方孝儒誌其墓

登州府知府周斌

周斌錢塘人洪武初知登州九年陞州爲府遂遷知府登並海民瘠斌撫綏有方民日照阜勸學崇教使海陬僻壤興於禮義者斌之力也

湖廣按察司僉事鄭好仁士原

父邦彥附

鄭士原字好仁葵之浦江人父邦彥字昌國好學有高

志強敏絕出窮經爲文有聲縉紳間嘗舉進士不合即
絕不萌仕進意開門授徒學者聞其講說各克然若有
得喜編書手自校讐與旨疑義無不曉析望之溫雅可
愛炙其言論愈久而益深至其分別賢不肖善惡可否
之際凜如也是以君子樂與之遊而小人異趣者畏之
而弗敢怨生四子士原其長也剛直有才氣於學無不
該貫國朝有天下之四年由進士授奉訓大夫同知懷
慶府事懷慶治一州五縣兵後民著籍者僅三萬家士
原至官招徠安輯論誘有恩平賦稅簡追逮禁吏不得

爲奸。召其耆耄。告以法意。使力作。敦本。越三年。流逋四歸。田野墾闢。戶與稅增十餘倍。河南諸衛軍糧。月給鹽十之三。各府役車夫。赴河東鹽司。輦致民困於道路。原獨牒懷慶衛。俾軍自輦鹽。衛挾重臣勢。令役民如各府。行中書省。下府衛雜議。士原持不可。曰。吾郡民寡。而事煩。與諸府異。使月爲軍運。鹽盡。驅吾民父子兄弟。踵接河東之途。猶不給也。其何以爲生。且設軍以衛民。奈何役疲民。以奉驕卒。衛官不能屈。皆舉手曰。請如同知議。民至今便之。考滿除湖廣按察司僉事。荆襄之卒。先是

乘亂多掠民女婦爲妻妾或脅爲奴性特部使者雖知其故而畏武臣莫敢究其事士原至民拜馬前號泣訴立呼諸衛官俾還所掠於民士原精練果敢操持勁正吏畏其威而強有力者聞其風亦莫敢犯之數千里間貪猾屏息若臨其家會斷刑安陸府死囚有稱冤者時獄已上御史臺奏報矣士原索展案視之語果不同因奏其冤狀御史大夫怒曰何物么麼敢沮格我事大銜之旣而空印事起遂嗾懷慶吏誣士原與知士原與辯不勝遂自誣服輸作江浦明年徙饑真又三年徙京師

以不勝作卒。年僅四十有七兩。屬士民聞之。無不家奠而戶哭者。

莆田縣知縣董仁仲

董仁仲金華人。洪武初知莆田縣。蒞政精勤。而持之以公。於民一毫無所取。公庭鞭朴懸而不用。民大悅服。卒於官。貧不能歸葬。民相與營葬於邑之西劉山。

桂陽丞姚伯良驥

姚驥字伯良。以字行。先洛人大父君義知鄞。遂家焉。伯良性寡默。刻志於學。洪武中由上舍生授郴州桂陽丞。

桂陽俗靡多訟尹嘗謂曰何以化之伯良曰居上不貪則斷合理而民訟息時時諭民曰富由儉得貧自奢來食以時用以禮則財可豐不三年訟簡而俗尚純儉上嘉其能詔請京師賜楮鏹勅僉山西按察司事發奸擿伏治號神明年三十八卒於官所著有芸窻稿

安州知州王思祖

王思祖仁和人洪武初爲安州同知尋進知州在州十年餘爲政廉平公慎簡易近民國初甫離兵燹萬事草創凡學校社稷壇壝多所創建撫循綏靖民不告勞手

植栢數千章。至今民蔭其樹而思之。不啻甘棠也。卒於官。子孫貧不能歸。因家於安。遂爲安州人。

饒陽尹郭德茂楨

郭楨字德茂。黃岩人。洪武初爲饒陽尹。勸農桑。興學校。均田賦。平力役。表節義。毀淫祠。三年而邑以大治。以從兄故坐免。遷者察於途。囊無長物。惟所著書與詩文稿一篋。爪髮一束以聞。上嘉其清。賜紗幘銀帶寶鈔以旌之。所著有易說雜評。暢軒稿數十卷。門人私謚曰貞成先生。

德安丞馬原清濂

馬濂字原清東陽人幼有志操博通經史洪武初官德安丞招徠流離撫綏痼瘵民戴之如父母既而調丞壽陽德安人相隨之任者數百家有候卒於廢寺中得瘞金五百兩以獻濂命簿錄其數於官帑後歷遷山西按察司副使在官獄獄詳明民無冤滯以親老謝政詔進一階致仕卒鄉人爲傳其事私謚曰孝廉

扶溝令陳聚奎奐

陳奐字聚奎慈谿人洪武中官扶溝令修舉廢墜除革

姦姦。暇則入學官，與諸生講解經史，親加改校。尋調山西之屯留，土壤磽瘠，民多流竄，與爲出公帑錢輸其逋租，流民相率來歸，以憂去。服闋，改都督府都事。成祖念京縣政煩，特授上元令。與蒞政，暮月縣以大治。一日，蘄州匠錢氏婦有外私，謀殺其夫，詣縣告，給門禁，出其喪，既去，與憑几而寐，夢一男子訴被妻殺，言甚痛切，覺亟追婦，一鞫具伏，人以爲神。遷審理正，再遷刑部主事。仁宗監國時，知與賢，深眷愛之，及卽位，與奏事。仁宗曰：「此非上元陳知縣乎？」卽擢與滕府長史。

寧津縣知縣朱逢吉

朱逢吉，崇德人。洪武初，應求賢詔，爲中書掾。當軸有貪
漢者，衆附之。逢吉獨不屈。及敗，無所汙。聲譽大起。嘗陳
用賢五事，授寧津縣知縣。有異政，民愛戴之。勒碑頌德。
陞湖廣僉事，坐事，謫關中教授。未幾，起陝西僉事。進大
理寺丞，同修國史。尋命視植湖水利。及巡北京屯田所，
議皆軍國大計。及卒，囊無遺錢。

巡按御史鮑克禮忠

鮑忠，字克禮，鄞人。剛介有爲，以明經授定海學訓導。洪

武九年應直言詔疏治道十策稱旨擢監察御史巡按
廣東平反連州府冤獄七十二人事畢欲起忽有白衣
人訴冤狀追之不得既而見一白鳥遶憲臺飛鳴數四
忠疑之以爲前所見白衣人托以控冤也命左右密置
筆楮於東北方坐至二鼓取之果得冤狀云其妻某氏
有外私輒被謀殺明日如狀往按之得其情人稱神期

濰州知州吳德基履

吳履字德基蘭谿人少從聞人夢吉學春秋俊邁有奇
才洪武初官南康縣丞擢知安化縣陞知濰州召還遂

謝事以歸其在南康日民有王瓊輝仇里豪羅玉成集衆相攻圍獄連千餘人履一言而使之釋憾安化土豪多糾民爲兵旣盡降有萬夫長易俊原者獨負固不服江陰侯吳良將出兵討捕履謂未有反狀請以計致俊原侯從之民得免於兵禍後知離州萊守欲責民償官驢之孳息履謂國家富極四海豈少數匹驢耶守乃止山東民願以牛羊代秋稅官從其言履與民計謂牛羊有死瘠患不如納粟便獨收民粟後他縣牛羊遷陝西民驅走二千里皆破家而離獨無患其爲政類如此宋

學士景濂爲之傳。

武進縣主簿朱仲安

朱仲安，蕭山人。中洪武庚午鄉試，授河南鞏縣學訓導。因言事，遷武進縣簿，以善政聞。太祖遣行人賫幣旌之，有正己、幸物、庶能愛民之語。進知縣，永樂初，拜監察御史，扈駕北征，有功。遷湖廣按察副使，改交趾，坐逮謫山東御史，奉勅考察。會都御史缺，上命署院事。尋遷按貴州。河南居官，庶重臨事，必存大體，聲稱藉甚。以學行見知。仁廟一日，顧侍臣曰：朱仲安，御史中翹楚，朕

甚重之，勅賜寶楮爲道里費，使歸焚黃。宣德初，遷河南按察使，入覲，謀爲十三道風紀之最。進通議大夫，卒於官。

德化令應錫祥履平

應履平字錫祥，奉化人。洪武庚辰進士，授泉州德化令。興廢舉墜，平易近民。考績至部，試文優而貌寢，不錄於冢宰。私題部門云：爲官不用好文章，只要鬚鬚與胖長。更有一般堪笑處，衣裳襪得硬纏纏。闕者以聞。冢宰曰：必應履平也。覆其文，果優。卽陞吏部稽勲郎，兼署考功。

文選事。遷守常德。吏治益著。陞貴州按察使。奉勅同兵部尚書王驥平蠻將軍蔣福帥師征麓川有功。陞雲南左布政使。時有太監奉命監造剔漆器皿。進用供費百出。民不能堪。履平論其將訖工。別造私物。審疏欽造數完。或且止。或加造。奉旨造畢。起送部檄至。履平懷之中道。馳入太監怒叱之。對曰。奉旨請回京。出文以視。遂解一方倒懸。平居履道坦坦而解紛。應變裁決如流。敷歷中外垂五十年。才名德望朝野著聞。

獻縣知縣高本中後序。

高復亨字本中山陰人。洪武中詔爲總戎掌書記。改知河間獻縣事。招集流亡。百姓咸歌思之。坐累謫鍾離。未幾復起知諸城。諸城故密地。密人廢學久。復亨至始樹學。延儒教化。大行時比之文翁治蜀云。

建昌府知府盧希正義

盧義字希正淳安人。洪武中舉進士。累官刑部郎中。出知建昌府。以誠確愛民。民稱盧慈悲。然寬而不縱。豪強有所犯。不少貸。且曰。今不慈悲矣。秩滿。民借留。復任。凡載當遷。以疾辭歸。橐無餘資。吏部侍郎洪璵嘗寄詩有

袍笏賣來供國賦詩書留得富山田之句識者以爲實錄。

平涼府知府何子文士英

何士英字子文蘭谿人洪武中以人材授知平涼府。親老乞歸。忤旨。謫蘆州判官。臨民。蘆謹再乞歸養。永樂初起知平涼府。編氓相慶以爲重得慈父母。會主者較郡庾虧數千石。士英方自劾。民爭輸之如數。考滿去。父老。遞留載道。安府以詩送行。有前任只留琴與鶴。此行惟有影和身之句。御屏記蘆吏十八人。士英居其首。陞兩

淮塩運使先是民苦部差督塩課者所至苛擾及歲課
孳生馬駒倍納不足士英一切奏罷之遭母喪歸吏部
舉義以其庶能奏欲奪情堅辭終制起復蒞前職始終
一節致仕歸卒

陝西叅政吳好德福

吳福字好德鄞人洪武庚辰進士授禮科給事中奉勅
撫安四川軍民悉心綏懷夷獠向義懷金寶爲贄皆拒
不受陞江西按察司僉事遷禮部員外郎陞陝西叅政
先是寧夏塩池禁嚴斗粟易塩三兩奏許民納課官量

給益民咸便之。漢中牛山逐民，草竊出沒，福遣史作樵夫，懷榜抵其巢穴，諭以禍福。渠魁卽集徒黨，語曰：吳公長者，必不欺我。相率復業者三千餘人。陞福建右布政使，治行益著。以年老乞歸。福爲人謹厚有執，初使琉球，遇颶風，舟人相視駭愕。福獨神色不變，惟戒嚴檣柁，旣濟，人問曰：昨已隣死，公何獨不爲意？福曰：惟恐檣柁不嚴，人事有未備耳。命乃在天，夫何意？衆皆服其識量。

上元令錢伯英仁傑

錢仁傑字伯英，餘姚人。通經術，寡言自可。洪武初召拜

上元縣令是時干戈甫定伯英能以敦俗興化爲急不
替月而四郊有弦誦之聲太祖嘉之有袍笏之賜

星子令朱悅道文

朱文字悅道義烏人少從王禕游學博才贍剛方而少
許可洪武六年舉明經授知星子縣廉介自持興學勸
農務爲休息先是星子貢茶文特疏奏星子山高風冷
春意來遲艱於採茶上可其奏遂罷茶貢人食其惠
後陞贛州府同知盡心撫綏秩滿民遮道請留至今贛
人祠祀不衰人以比朱邑桐鄉

知清江胡秉誠季本

胡季本字秉誠餘姚人起家太學生授建昌府經歷權知清江有惠愛改新淦清江之民與新淦爭乃新命已下卒知新淦新淦號多事喜訟季本爲之纒一年縣庭清肅時出郊問民所疾苦相慰勞如家人父子卒於官百姓廟像而祀之

英山知縣王漢章旭

王旭字漢章餘姚人強學力行隱居教授學者多從之游洪武中以茂才召拜英山知縣縣舊多虎患旭至禱

於神虎輒避去，在官典學，勸農民親愛之如父母。

雷州守常士昌

孫麟附

常士昌，海鹽人，懋之裔孫也。洪武中以賢良辟爲雷州守，冰蘄自持有古循吏風。孫麟，成化辛丑進士，授兵部職方司主事，進郎中。時虜寇火歸內侵，畿甸震恐，大司馬獨倚麟爲重。凡條議奏疏皆出麟手。陞河南叅政。時有党雄之亂，麟次第削平，不煩朝廷一旅。陞福建布政司使人覲時，以不餽逆瑾，逮繫錦衣獄，旋釋。晉應天府尹，有惠政。官終禮部右侍郎。

南平令朱守恒孟常

朱孟常守守恒餘姚人洪武中鄉貢任南平令最名有體要縣逋漁課久不能償孟常奏蠲之江西民兵株木過南平飢餓濱死孟常出粟以賑所全活甚衆時遣中官刻期督木至南平期迫而木未集榜笞苛急衆心駭亂孟常力爲安撫夜有神見夢於中官曰若第去朱令在何患事不濟中官覺而疑之悉以付孟常孟常從容處之事濟而民不擾

新喻知縣洪鈞

洪鈞，新城人。洪武中，領鄉薦，禮闈副榜。授新喻知縣，開塘利民。瑞蓮並蒂，調屯留縣。尤以德爲政，芝草產於堂柱。陞銅仁守，調長沙府。露凝冰花，呈瑞於府橋。士民賦詩頌之，謂瑞彰厥德，致仕卒。

常熟知縣柳敬中

柳敬中，慈谿人。初舉明經，授登封縣學教諭。陞常熟縣知縣，釐務精敏，興植墜廢，崇儒敬士，開闢田野。孔氏子孫有流落邑中者，貧不能給，敬中曰：「此守土責也。」爲娶妻築室，宣化門外，給產養之。又得范文正裔孫，復爲築

室贍以飲食製衣巾具東修遣入邑庠其敦名教厚風俗類如此永樂初以憂去服闋吏民請闕請復任陞蕪州府同知爲政平易民甚宜之今祀於學宮

邳州知州陳朝陽葵

父雷附

陳葵字朝陽其先鄆人父雷有經濟才元季爲人所誣謫淮北戍疏謁高皇帝一見竒之卽欲用爲兵部尚書廷臣言其太峻姑試以民事擢知仁和縣尋卒葵少孤食貧卽母家以養舅氏余伯熊有識鑒見葵勤苦憫之曰此兒當有時名乃教以儒業葵發憤自樹聲聞以

彰五軍斷事張元直薦於朝。上召見親問政事得失。及民間利病稱旨。拜惠安知縣。改山東單縣。皆著能績。永樂五年。詹事府丞陸中善薦其才可大受。遷邳州知州。凡九年。利澤深厚。民戴之不啻父母。

吉安知府朱仲智

朱仲智。永康人。洪武中。以人材舉。授吉安知府。寬厚。廉潔。剴革。吏弊。禮賢愛民。民甚戴之。被召。改重慶知府。吉安人思慕不已。後得蘭芳繼之。其爲政大類仲智。吉安稱賢守者。必曰朱蘭。

鹽城令王叔珩

王珩字叔珩會稽人少力學有志事功洪武中陳時務十策有裨治道授鹽城令典葦利獎氏甚德之永樂初遷刑部主事不就歸

祥符令楊文益添

楊添字文益西安人居家孝友練達世務元末隱居不仕洪武辛未以人材徵授道州巡司機察軍兵揭糶事上讞稱肯進廸功郎監權羅源永樂初詔求賢良閩省舉添以應陞河南祥符縣知縣明察內敏清操水蘄傳

東治

卷之三十八

七

光緒道

賦緩刑士民稱便先是強民李四漢援附權貴挾勢害
民添按捕而誅鋤之四漢計脫去令奸屬捧赦書直至
公堂開視之乃胡元條例也添乃詰執元惡及諸醜類
平訊之盡得其諸所奸利狀請於朝悉流之塞外四境
肅然民爲之歌曰吾人植楊侯力鋤強梗辨冤抑民以
安衆足食天道公世其職宦成之日居功益謙欲追蹤
卓魯以展其蘊會貴戚稍不法添屢加裁抑竟被誣謫
丹巴縣尋卒於官後仲子儀知鄧州道經祥符父老羅
拜如添生還

杞縣知縣黃元輔隣

黃隣字元輔，諸暨人。性簡重，工文詞，居鄉持重。洪武初，徵爲翰林院典籍，遷御史。以老出知杞縣，道民興學，政事雅茂。一時稱爲儒史。尋告歸，嘗手編縣志，後多本之以簡核名。

文昌主簿錢謙伯遜

錢遜字謙伯，山陰人。性至孝，母卒，廬墓。洪武中，以薦授寧夏水利提舉。吏日修河防，賈邊餉，既還，大將何福奏遜特有功，拜孟津知縣。益盡心民事，改知弋陽，坐累請

戊復以薦對策稱旨授文昌主簿文昌居海島夷俗悍
戾遜宣布德意化行嶺海間遜狀貌魁梧言行詳定夷
險一節雖歷危變卒能以功名終素工詩有遜齋集二
十卷

柘城令周尚德弘

周弘字尚德慈谿人古學敦行洪武中以懷才抱德薦
升柘城令在縣九載寬厚廉謹愛民如子嚴暴橫節用
度一邑大治民爲立祠祀之後吳江趙寬慕其人欲視
柘城臨刑再拜贊曰生以名賢稱死以名賢祀若周公

者。皆無間然矣。

知泗州王孟暉

王孟暉，諸暨人。初知泗州，奉公約已，教民耕作，飭勉諸士，視其雅懋者，傾身禮之。最聞擢知鞏昌，坐謗謫瓊州府同知，縉紳投荒裔者，多跂足待滿而已。暉獨盡心修職，所行無一事不中人情者。又喜廉察，有風岸瓊人，至今稱之。

石首令方自新

方自新，諸暨人。洪武中，以孝行舉，授齊安驛丞，擢石首

令在邑以寬化民有愬告進而兒女語之民至牽令襦相爾汝勿加咄叱會民負逋上官督責旁午掠無完膚自新憫之召耆老富民諷諭之乃先出俸爲士民倡竟得米萬餘石爲民代輸餘九百石儲爲義廩自是飢荒有賑流徙復歸者三百戶石首仍夷俗不知喪禮自新爲陳孝感之義戒以法制民乃遵用其教洪武三十年上遣使覈海內徵需實數郡縣冊稍謬輒得罪石首舊牘無稽自新亦就逮父老相率走京師請貸不報竟謀作所明年廷臣言石首有異政所坐甚輕上特宥之

超拜鄖陽守郡遭旱蝗逋租十餘萬石民至死無以償
乃上疏乞人楮幣代租上從之上津竹山二縣土瘠
而民貧科繇乃與壯縣齒自新爲奏減租稅之半未幾
中原構兵中使四出督轉輸括兵器閭閻騷動自新以
郡當痍瘵之餘不忍重困請自繫中使初愠而終義之
凡所賦得減他郡考績北上至龍江卒鄖陽人哀之如
喪慈父

河南叅政邢景暘旭

父沂成濟邢俛附

邢旭字景暘金華人父沂從范祖幹游以詞翰知名與

邢俛成濟俱嗜吟咏互相唱和號山中三詩友旭學於
家庭登永樂二年進士累官河南叅政適歲旱滂修舉
荒政民賴以安奏免二程子孫徭役賜田土正統初陞
四川布政革弊除奸撫養軍民恩威並著夷酋王永壽
董敏失和治兵交攻朝廷遣帥討之旭卽身詣其寨諭
以禍福皆釋甲待罪請遣子入質進馬謝恩師遂不戰
解還未幾致仕卒蜀人追思惠政立碑成都

山西僉事呂升章升

呂升字升章山陰人洪武中鄉貢典教溧陽以薦擢江

西僉事。號有風裁。永樂戊子。改山西境。多虎患。升爲徽
告神虎。卽就捕。以憂去。復改福建僉事。按部至建寧。螟
害稼。升仰天祝之。雷雨驟作。螟盡死。宣德初。遷大理少
卿。升兩爲會試同考官。所舉皆一時名士。年七十致仕。
至九十二卒。

廣東僉事杜李璋瑄

杜瑄。字季璋。東陽人。由永樂鄉薦入太學。會詔選有學
行者。補侍從。授兵科給事中。立朝詳謹。陞廣東按察司
僉事。治獄平允。民稱不冤。嘗巡海道。邏卒獲賊船。內四

十餘人俱飢困濱死。議者欲棄於海。瑄曰：不可。恐誤無幸也。令飲食之。明日俱甦。詢之。乃寧波追賊軍船。遭風飄墮南海耳。遂移文歸之。陞陝西副使。以疾乞身歸。

刑部郎中王瑄

王瑄長興人。登永樂乙未陳循榜進士。歷官按察使。初爲刑部郎中。時會囚越獄有數十。重辟獨不去。堂訊之。曰：王郎中必不枉我。又理刑直隸。賑恤流亡。修復水利。民多德之。

滄陽守徐信古述

徐述字信古建德人永樂中由稽勲主事擢守漢陽首
新學校勸課農桑公明有守吏民懷服值歲歉民艱於
程諭關市得穀數十萬代民輸之民以不困時有虎傷
人爲文禱於神虎卒就捕人以神明太守稱之外艱民
勿忍去旣去思之如失父母歷官福建鹽運使致仕卒
吏部以其治最進中議大夫贊治尹

閩縣知縣嚴伯宜祿

子瑞附

嚴祿字伯宜開化人自少好學洪武中以薦除太僕羣
牧官三歲罷羣牧改國子監掌饌晨夕會饌祿執事惟

謙薄正器。且分屬膳夫。具有條緒。應用弗失。以是雖千百人萃。七箸絕無譁者。自祭酒至六館之士。皆稱之。故其才名。以剴劇聞。永樂初。用薦陞閩縣知縣。縣在會府。臨其上者。貴重且衆。而朝命之使。及海南諸蕃國貢獻往來。宿頓供億之繁。應接趨走。無寧斯湏。祿從容應辦。如在掌饌時。事集而民不擾。閩賦舊十倍他邑。民不克堪。力言於府。平其賦。民到於今。賴之改知縣。縣愛其民。與閩等尤篤。恣於興學。民甚嚮服。無幾卒於官。子璠乙未進士。翰林庶吉士。授刑部主事。贈祿如其官。

河南僉事祝存禮戒

祝戒字存禮蘭谿人洪武乙亥以詩經貢入大學尋授
刑部主事詳刑必依律條參以經義時稱平允陞陞河
南按察司僉事嘗鞫疑獄不能決忽庭中鬼物作聲戒
命之曰惟爾聲所指乃哀鳴前導引戒至古井傍投入
之遂得其骸寃乃雪外艱服除改監察御史刷卷三法
司其中回曲必條分縷析而直之無隱再調湖廣並事
憲度一如河南陞福建副使凡賦役貢稅之重者悉爲
民請命一時出之水火以老乞致仕歸儲書數千卷日

以教訓子孫爲事稍暇則召宗族故舊逍遙於長林曲水間優游泉石復十餘年以無疾逝戒初受學於董心傳每過其門必下車一日沉醉徑過里許仍返駕徒步如初君子稱其有禮。

當塗知縣張廷瞻崑

張崑字廷瞻上虞人舉永樂辛卯鄉試授宣城教諭陞當塗知縣當塗在畿內號劇縣賦繁役重崑爲之裁省求其敝弛而更張之暇日從二卒循行鄉落視其作業以懲勸其勤惰姍姍然如家人父子嘗奉憲檄攝廣德

州事出其緒餘甫閱月而州治流民占役者以千數擢
南京雲南道監察御史以風力稱二載陞鎮江府知府
鎮江密適當塗務尤簡以嵩才治之事不勞而理民不
待喻而自化未幾以憂去起知泉州泉大而民囂嵩稍
濟以猛毀尼僧庵舍百餘區卽其地改建社學里豪王
大覲結黨數十人爲州里患侵漁公賦有司莫敢何問
嵩檄致之庭下數其罪杖殺之一郡稱快而大覲子稠
竟仇嵩潛走京師誣嵩他事時適入覲聞之卽自詣獄
上命廷臣按其事至泉泉人頌太守賢者溢遠道而其

事果誣奏。上卽日釋崑。移知荊州。而竄稠黨於北徼。崑治刑無異於泉。而政尤嚴明。九載考績。乞身歸。歸四年。以疾卒。崑自爲校官。以至治劇邑。典方州。操履三十年。如一日。所至以教化爲先。事至立斷。吏無所售其欺。兩造具備一言折服。卽素稱詭誕者。不敢逞其辭。故卒無嚴刑峻罰。而惠愛常周於百姓。當塗之民。至今思之。遇崑鄉人。必談其善政。至臺臺不已。且問我公安否。何如有繼以泣者。

蘄州知府朱仲高勝

朱勝字仲高湯溪人永樂初由舉人授刑部主事歷員外郎郎中出知武昌府未幾調蕪州所至政績爛然蕪人歌頌德政十善流傳中外奉勅褒嘉超授江西左布政使卒於官

興化知縣呂邦用童

呂童字邦用新昌人永樂中以貢知興化縣宋范文正嘗令是邑流韻猶存童至務自砥礪旌異節除宿弊百廢具舉豪吏蘊奎鄧信交通巨璫視令丞若僚佐童合忍歲餘一旦盡發其奸奏而磔諸市境內肅然日與民

治溝洫修鄉校在任十三年始終若一日部餉東南事竣還縣以瘁卒民號痛朝夕莫如喪考妣與文正並事名宦童有識鑒一見高文懿穀於童稚中卽以宰輔期之穀終身執弟子禮爲童銘墓述其惠政甚悉

江寧知縣張大本得中

張得中字大本鄞人永樂初以茂才徵歷政地官奉勅往山西教民樹藝適大比因就試中式尋登曾祭榜進士授刑部主事改工部擢爲應天江寧令京師赤縣機務繁劇前令率繩之以法得中更以公恕簿書期會米

盥細故必躬親之民有犯法當流者其母訴乞留養得
中曰民頑犯法固可罪也母老失養尤在所矜寧失不
經以爲孝道勸卒杖而遣之有隸於公所貧困莫支者
卽弛其役且遺之衣食每丁夜而起丙夜而息未嘗樹
赫赫之聲而民安其政以薦預修永樂大典書成還職
年四十六以疾卒得中性嗜書自起家至歷官無日不
親筆硯所著有思牧集書闕擲英

潯山知縣俞友謙益

俞益字友謙臨安人登永樂甲申進士第爲翰林庶吉

士預修永樂大典授靖安知縣有惠政改潛山大興學
校造士多爲聞人秩滿當去邑民千數請闕乞留再任
卒於官室如懸磬至無以爲歛吏民哀慕而助給之始
克襄事皆白衣引柩送歸葬於縣東之靈鳳原尚書王
祖表其墓

臨江推官孫克正景名

孫景名字克正富陽人孫鍾之後永樂戊戌進士授
福建道監察御史改揚州府推官調臨江折獄詳慎有
建生於治事屬之沼陞承州知州蝗不入境調潁州典

學校恤流通麥秀至三五岐人歌頌之卒於官

貴溪知縣徐士宗

孫授軒附

徐士宗山陰人永樂中知滕縣再令貴溪以惠政得民歲甲午邑大水士宗奏蠲田租三之二又請以租折輸布民田之污者盡除其租有婦人訟其夫爲仇家所害士宗鞠之無驗忽有蚱蜢飛集几案士宗祝曰爾有冤當集仇人身已而果然因始伏辜境內稱爲神明進廣信通判仍知貴溪縣事在縣幾二十年既去民祠祀之後百數十年貴溪徐貞明來令山陰猶爲村坊曰循良

更治

卷之二十八

三

元書堂

世澤蓋貴人之見思如此而士宗孫綬及軒皆以貢起家故稱世澤云

餘于知縣蔡用嚴胄

蔡胄字用嚴，鄞人。永樂乙酉中浙江鄉試入太學，以薦授宜春令。復改餘于，愛民如子。有于憲度者，必諭使自新，未嘗輕有笞罵。清修苦節，薦餽雖蔬，腹不納室中。絜一張書數帙而已。御下和易而不貸於權貴，以故不諧於郡時。吏部尚書郭璉巡撫江西，郡言胄徵科無法，考下富去民相率走百里外。聲胄寬且言數十年來未有

廉公愛民如我。蔡父者尚書奉命來，奈何斥之泣慙車下。璉歎曰：吾行縣多矣，未有一民頌其令者，有令如此，郡言詐也。復行百里，還餘干，更考胃，最遂以貪斥其郡。貳胃爲人潤略，有雅度，蚤從鄉先生烏斯道游，少長侍父遊宦武昌，適楊士奇遊學，相與討論，切磨故學，行矚然出於時流。

平陽知縣謝廷蘭瑾

謝瑾，字廷蘭，鄞人。舉永樂丙戌進士，授刑部主事，歷員外郎、郎中，持法平允。遷知平陽縣，平陽俗尚武悍，瑾至，

戒其屬曰治民在順其恒性而已順則不擾而民安由是所部帖然尋丁外艱民以借寇爲請上可之秩滿陞廣西按察使寬獄多所平反軍民畏服年五十七卒於官瑾魁梧儻政聲卓異尤長於詩文所著有蝸濡集若干卷

鄧州知州楊彥禮儀

楊儀字彥禮祥符令添之子以國子生中應天鄉試任河南鄧州知州學術正大以禮化民有爭訟者必諄諄勸諭使相感悔不得已然後用刑爲政不苟立規設法

遠過常情務追古之循吏在任未久卒民哀思之至今
刑部郎中周安

周安仁和人由國子生授刑部主事進郎中盡心獄事
低氣平心以求其情刑不施而人自服陞江西按察司
副使卒歷官二十餘年而家無尺寸之增人服其廉

江西僉事顧與權異

顧異字與權慈谿人永樂壬辰進士文皇帝親選方
面重臣授與江西按察司僉事公廉仁恕巡歷所至訪
察幽隱民間鍊兩之奸必達人以青天目之後遷山東

吏治

卷之二十八

七

光緒堂

參議恪守清白終始不渝卒於官大理卿夏時正稱之
曰俸無十金之積可方古之漁吏

睢陽丞尤堯卿夔

尤夔字堯卿嘉興人永樂初徵授睢陽縣丞蝗移傍邑
傍邑移文曰願如法撲捕毋縱入境夔反牘曰蝗非家
畜敵邑豈能縱之苟有德政召却弭災蝗將遠去夔苟
不德蝗亦復至敢讓隣耶傍邑媿服

河南叅政宋廷圭琰

宋琰字廷圭奉化人永樂乙未進士選庶吉士侍皇太

子監國南京十九年召修大典書成授中書舍人宣德
初遷禮部主事以親老乞歸省未逾月驛召還京正統
改元選入史館修 宣宗實錄未幾以外艱去服闋轉
吏部考功主事入直內府九年遷河南右叅政時汝陽
旱蝗琰往治之額天自咎蝗弭而歲轉豐稔歷官兵部
侍郎蒞事南京逾月卒琰性溫雅居家以孝友聞歷仕
四十餘年所至輒擅能聲恒以文自娛有拙庵學言集
藏於家

知袁州姚敏學文

姚文字敏學崇德人登永樂乙未進士第歷知慶遠徑
種雜處難馴易動文一以至誠待之無不感服改袁州
將代百姓數千人伏闕借寇仍聽守袁卒父老率其子
弟會哭於庭皆失聲文平生清苦自持數歷中外幾四
十年一介不妄取當時以爲廉吏

江西巡撫趙日新新

趙新字日新富陽人永樂初由國子生授工部主事擢
吏部郎中精敏辨決長於運籌督餉轉餉茂著勞蹟擢
左右侍郎巡撫江西綜核吏治使百司無廢務慮軫窮

閩勤宜德意以佐民急臨事籌畫每中機宜長於合變
至以漕淮之舟運西江之粟兵農兩利民甚便之近世
稱督撫之良者擬之於文襄肅愍云官終吏部尚書

知安肅駱道升仕隆

駱仕隆字道升武康人永樂癸未中浙江鄉試會試以
註誤謫戍冀州未幾應詔以明經薦至京師上親試

合二千七百人得張龍等僅十名而仕隆名次第六奉
勅採木四川十載始竣事歸出知安肅庶明勤恪吏民
畏懷九載擢保定府通判父老周原等赴闕奏留得旨

加俸仍視縣事。復五年擢知秦州。九載致仕歸。秦之父老相率送至家。三日咸涕泣別去。道隆歷官二十餘年。生產僅具饘粥。古有介士庶幾近之。

河南叅政余天祥麟

子洵孫杲附

余麟字天祥。鄆人。舉永樂癸卯鄉試。授主客司主事。轉儀制進郎。中有言襲封孔子緒非嫡系。議奪之。命往勘。麟曰。聖公襲爵非一世嫡庶誠難辨。倘勘不實。將何據。易之衆議遂寢。進主客郎中。適河南河溢。特授左叅政。往治之。至則度水勢築隄防。甫暮奏功。詢民間疾苦。而

黜陟之啓。吏治洗墨。樹蔗凡六年。衆口譽爲循良。陞本省左布政使。時中肯執柄。職不能隨時俯仰。遂乞骸骨歸。子洵字允清。五品京官。子克國。子生。遂舉。正統戊午。順天鄉試。歷官刑部員外郎。郎中。陞福建按察副使。改湖廣。復改陝西。撫治漢中。陞右叅政。轉右布政使。敷歷三省。賢聲大著。孫杲字懷明。以貢授常州府學訓導。以身幸士。上十事於朝。不報。遂致仕。人謂其克世家學云。

邵陽知縣何廷蘭永芳

何永芳字廷蘭。常山人。舉永樂十八年浙江鄉試第三。

明年成進士。洪熙改元，預修兩朝實錄。書成，授湖廣邵陽縣知縣。持身廉謹，勤於撫字。暮年大治。適歲飢，勸富民出粟分給存活，不可數計。召拜監察御史，出按山東。暨直隸，蘓松常鎮所至，明憲紀以糾奸慝，貪墨望風解綬。時倭寇東南邊海諸邑，日受焚掠。永芳嚴爲之備，倭不敢犯朝廷。嘉之，降璽書褒諭。復按江西，風裁益厲。豪右爲之歛迹。陞河東鹽運使，少保于謙察其才，薦陞河南按察使。施設適宜，民懷其惠。尋致仕卒。

伏羌知縣李用光貴昌

孫居義附

李貴昌字用光餘姚人永樂中進士初知伏羌縣羌故
無城多寇時時攘竊爲民患貴昌爲計度募民城之改
知江寧時上每北狩衆務繁雜貴昌料理精敏事辦
而民不勞尚書蹇義薦爲吏部主事扈駕至燕卒於驛
孫居義領鄉薦爲劍州學正庶介自持長於古學所著
有文則文斷五倫贊矮庵等集

刑科給事朱惟純

子宗岳附

朱純字惟純山陰人以鄉舉典教易州易士鄙悍不知
學純至善爲誘掖一時多奮起終考得士七人奏課吏

部考上上拜刑科給事中奉命檢閱福建帑藏清弊祛
蠹吏奸無所容繼以飭軍政使遼陽按視營壘奏益軍
士衣糧邊人至今德之終廣西右叅政子宗岳繼其業
爲學官所著有如夢集

山西叅議秦維翰岳

秦岳字維翰慈谿人舉永樂丁酉鄉試卒業太學拜兵
部武選主事轉職方進郎中調刑部宅心平恕不事嚴
刑而犯者輒得其情人以不寬陞山西布政司右叅議
督理糧儲時水旱相仍有司催科逾迫而逋積愈多岳

曰暑雨艱食民方怨咨急之使倍以償是轉之溝壑耳况歲且有秋乎因屬其耆老而諭之民大悅越三月鞭朴不施而逋積以清丁內艱去服闋調廣東以疾卒於官岳性寬厚樸實無驕矜伎求之行嘗大書勤儉忍耐謙和六字以自警有加以非禮者弗較益禮遇之是以稱爲長者居父母喪足跡不入城府不事干謁義不容辭者則曰若事費若干我能助之謁人吾不能也自奉儉樸以清約終

吉安知府陳有源本深

陳本深字有源，鄞人。舉永樂戊子鄉試，授刑部主事。進員外郎，郎中。出知吉安府。政尚寬平，作興士類，愛小民如赤子。而獨以除盜去姦爲急。誅鋤橫暴不少貸。時樂安曾子良聚衆萬餘，殺太監山僧，據險爲寇。本深以地逼禾豐，督千戶王業率兵往禦。寇果侵境，大破之，擒其渠魁以獻。安福有豪民彭搏，肆暴於鄉，有司莫能治。乃密聞而籍其家，九載秩滿，吏民相率走闕下，奏留之。特加正三品祿，進階正議大夫，贊治尹治吉安如故。未幾以老乞身歸。在任凡十八年。初，本深蒞郡，政舉大綱不

屑苛細比巨豪既殘屬邑願治益濶陳法網與民休息
每晨伐鼓出堂上坐堂吏白無事卽鼓而休寢間有訟
訴輒呼至榻前折其曲直而遣之亦不受狀久之士人
有嘉慶肅之燕輒就燕罷則左右互携果餌遇坊市小
兒則投而陷之往往擁其輿蓋解前民有舉女者漸見
其長已乃及笄笑而言曰穉中兒已字矣尚能留此耶
去志遂決吉人至今思慕之

隨州知州仲惟正端

子瑾順附

仲端字惟正海鹽人舉永樂辛卯鄉薦赴禮部不就乙

榜卒業成均授隨州知州恤困窮達幽枉民日以安通
寇丁朝龍聚衆流劫至是詣庭待罪端别首從治之皆
頌願心服去宣德庚戌進階奉直大夫調廣德端一以
治隨者治之民安而頌聲作秩滿赴調衆擁留幾不得
行致仕歸從容家園謝絕人事益以樸素自任望之如
太古遺民卒年七十七子二長瑾教授於鄉以古耕次
順自太學官汀州訓導皆循謹有父風

瀘州判馮孟英傑

馮傑字孟英金華人永樂中貢入太學時方營建考選

管工授瀘州判官佐政。燕平民輿從化，召拜監察御史。
巡按福建，奏減銀課。巡兩淮，奏寬鹽課。繡斧所臨，民咸
被德。景泰初，廣東盜起，州縣騷動。朝論以傑歷練老成，
陞授廣東按察司使，隨方撫討。未幾盜平，致仕歸。

永清知縣章增

章增，遂安人。宣德間，由太學生授永清知縣。值歲累歉，
增設法賑濟，民感其惠。邑有鐵河，久塞，水利不通，荒田
五百餘頃，增爲浚之。自是田闢而歲登，民歌之曰：鐵河
穿田，有年桃花洞聚寇千餘人，自昔負固爲患，增請於

朝曲宥其罪。皆帖服爲編氓。未幾改知華亭。永清民數千狀其政績。乞留弗獲。居華亭六年。以疾卒。

賓州知州俞大雅得儒

子澤附

俞得儒字大雅。鄞人。登永樂辛卯進士第。選人兵科。改庶吉士。授行在監察御史。時西南夷朝貢至境。命得儒往蒞其事。惟以庭實上貢。其他珍異悉貯之公帑。弗獻。時論以爲知體。辛丑詔直言。乃與給事中柯暹各率同官。歷陳六卿曠官事。上命六卿與諫官論難而諫官十不得一。遂出得儒知賓州。柯知安福縣。賓故隸南粵。

介在邕柳人多棍令梗化者得儒至修其政教風俗丕
變宣德丙午艾趾不庭總戎檄之督餉民弗知勞而兵
食俱足師至浮梁江得儒建議用藤纜布橋而渡用是
大捷秩滿論奏廣西副使李立貪暴事李謫戍雲中而
得儒遂乞老以歸子澤天順丁丑進士歷官四川僉事
江陵知縣張德和愷

張愷字德和鄞人宣德中以太學生補江陵知縣遷工
部主事進常州府知府命下而卒愷始爲江陵時王府
校卒見令坐不起卽啓王杖而遺之王爲不法張甚愷

白守曰王不可繩以法而吏又不得問宜密聞於朝請
上治之遂與守列上其事朝廷察王所爲果不法遂廢
錮終身邑人快之守未嘗以屬吏待愷常呼曰大尹時
朝命總兵都憲征交趾所過州縣官無不遭譴者道江
陵愷以馬肉餉軍一軍咸喜總帥竒之欲試愷倉卒日
晡行牌立取火爐及架數百愷卽命木工以方漆卓錫
半腳卽其中坐鐵鋤燃火又取竹束火燎數千愷卽曉
收民家葦簾應之又取馬槽千餘愷卽命針工并各五
婦人以綿布縫成槽綴槽中以繩用木椿張其四角繩

馬良便卷收前路足用三事皆應酬於倉卒總帥服其才智遷工部主事周文襄忱延撫南畿例以戶部督運文襄特奏愷同行每到州縣輒先言愷不可犯松守欲嘗愷以美綾三百疋置舟中來迎比登舟見之悉以綾封庫欲舉劾守懇所得免由是守長皆自重犯法愷於吏治精敏果幹論事機張鍵閉卽有隱奸目所指取必得其情故豪民猾吏不敢有所觸犯獄無繫囚稍積數人卽決遣之從子叅政琦嘗論著愷事爲詳云

徐州吏目王宗憲紀

王紀字宗憲海鹽人正統壬戌由歲貢授徐州吏目徐
當孔道酬應百出幕官職卑務猥鮮克見所長紀能以
計智束約吏民雖劇役無不立辦吏民稱其居僻爲南
宅聞命令自南宅下者則心服力赴惟恐後由是大有
聲譽出守長上時都御史正軫巡撫南甸值歲飢瀕民
載道率告於州州長欲上請紀曰若然必將求民於溝
壑矣卽殺然身任其責發而後聞全活者甚衆都御史
大奇之方首列薦劾會外艱歸服闋赴吏部奏罷海鹽
民兵蠲免徐州冗稅俱報可紀欣然曰吾事畢矣遂稱

疾致仕歸優游桑梓十有五年而卒。

松江府知府葉拱辰冕

葉冕字拱辰上虞人。砥之曾孫。正統中進士。歷知松江府。廉明公恕。民畏愛之。時歲屢不登。冕悉力賑救。賴以全活者甚衆。郡有殿山湖。其半屬崑山界。湖隄壞。彼此莫肯修。冕一體視之。爲築隄萬餘丈。蘓人愧之。累遷右副都御史。致仕。初冕在松江。樂其土風。旣解官。買地秀野橋之西居之。歿葬北錢里。

安溪縣知縣潘靖

潘靖金華人正統初知安溪縣恤窮獨抑豪右逋逃者來歸強悻者懾服邑嘗大侵靖禮諭巨室各輸所餘以賑貧乏而民不知飢卒於官邑人痛之如喪慈父

雲南叅議張翰英居傑

張居傑字翰英上虞人正統中舉於鄉司訓章丘召拜吏科給事中知無不言皆切時務歷雲南叅議江西叅政所在有幹濟風譽赫然以最遷山西右布政使卒

潛山縣知縣陳志行敏政

子良器附

陳敏政字志行其先湖州長興人後下居仁和登宣德

丁未進士初投潛江知縣爲政廉平不苛恭勤慎密四
民樂業賢聲蔚起再轉至南康府知府宅心公正輔善
抑強復社倉修石隄建白鹿書院百廢具興郡人德之
從祀周濂溪朱晦菴二先生祠于良器官至應天府尹
廣東叅政劉有融煒

劉煒字有融慈谿人登正統乙未進士歷戶科都給事
中屢上封事劾奸祛貪人憚其直每叅朝議一二言卽
次同時林聰疏事有條煒論事簡截時以林聰手劉煒
口目之遷廣東叅政分隸惠潮地險多寇煒至設方略

與民約束。號令簡嚴。盜聞輒解散。時四境皆盜區。無完郡。獨煇所部晏然無警。民甚安之。留四載不代。移守南韶。賊輒不敢犯界。成化改元。王師徇兩廣。韶當師衝。百兩軍需皆煇區畫。晝夜靡懈。觸瘴癘卒。民皆爲之巷哭。

常德府知府朱廷儀縉

朱紹字廷儀。餘姚人。正統中舉進士。拜南臺御史。以剛直見推。闕禁兵急。劾諸部勇怯。賞罰明信。士卒屬心。出爲常德守。求其弊。官廢置所宜。日月辨治之。張弛稱便。在郡六年。政平民和。考最天下。卒於官。民立祠祀之。

宜興知縣宗必彰顯

子佑附

宗顯字必彰，郵人。正統九年舉人，任宜興知縣，辨祭民
冤。一介不取人呼爲宗青天。改大興，陞南京都察院經
歷。以不樂進取，遂致仕家居。貧不能自給，在宜興時，年
四十餘，未有子。士民聚禱於羣祠，遂得子，因名佑。登庚
戌進士，主考徐溥拆卷，見佑名，大聲言曰：「有天理，有天
理。」衆愕然。溥曰：「此我清廡父母宗公子也。」天報不爽如
此。後宜興治縣有祟，後令苦之，或曰：「宗公正直，盍設神
位以鎮之。」祟遂息。佑字元吉，任刑部主事，陞員外郎，賴

敏績學以詞翰名守制早卒竟無子

崖州知州徐廷振琦

徐琦字廷振諸暨人正統中舉人初授崖州知州崖民多黎戴竹笠于垂髻來見琦委曲論以服用當從中國爲易方巾直領之製簡率俊秀使趨於學教以昏禮俗爲之變在崖九年改道州知州政役報最居七年致仕琦四歲而孤十五補弟子員遊宦幾二十年歸老好禮敦義人稱長者

濱州知州王惟準均

王均字惟準，青田人。正統丙子舉於鄉，丁丑會試。前一日聞父訃，卽徒跣號辨奔喪，聲徹晝夜。聞者悲之。時士中亦有冒服售第者，或謂之曰：「盍少忍圖一榮捷。」均泣曰：「是可忍，孰不可忍也。」服闋謁選，得濱州知州。屬歲大旱，民無種子，流離滿道。均躬履村落，貸種給耕，又力請於朝，得銀萬兩，民賴以濟。歷官九年，宦囊如洗。父老，孳留繪分耕圖以贈。

閩縣知縣張士昭倬

張倬字士昭，山陰人。正統間鄉舉，分教崑山。時年尚少。

爲師儒益嚴禮範事之有裨風化者必毅然主行之權
知閩縣縣當寇亂之餘倬起頽葺廢政漸以舉憂勤致
疾卒於官邑民莫哭者相屬不絕倬自少穎悟篤學爲
文學秦漢詩備諸家體裁所著有毅齋集二十卷筆錄
十卷

東昌府知府徐琅

徐琅衢之開化人正統戊辰進上任刑部主事陞東昌
府知府柔和廉介持法不阿政尚寬平勤恤民隱課民
墾閒田不避權貴東昌故安置降虜千餘戶奉詔伐安

南有功驕橫擾民官不能制琅具疏以聞得旨調發民
皆感悅立石頌德陞山東右叅政卒至今士大夫稱道
不置其故老語及有流涕者

廣西叅議甄克修完

甄完字克修新昌人舉進士授刑部主事進員外郎出
爲廣西叅議廣西故百粵地夷獠雜處多瘴癘戍兵死
者相籍完奏易以土人又建議營田於近地省轉輸之
半時同邑楊信民爲廣東叅議兩人名位相埒信民赫
赫有聲完獨以豈弟得民景泰初轉湖廣叅政進河南

左布政使屬水旱相仍民多流殍完至發倉賑貸奏蠲
夏稅民困稍蘇其任方岳前後二十年皆有惠政及民
朝廷遣大臣按行天下考察獨甄完所治不復考因使
少保于謙論其受知眷如此居官清儉始終不渝自布
政乞骸骨歸卒於家

蒙城縣知縣方宗源淵

方淵字宗源淳安人明尚書贍詞藻試場屋弗利每遇
門人先着鞭必喜形於色若已有之人有難之者輒引
范魯公語曰賦命有疾徐青雲難力致非矯也素性如

此後以太學生授鳳陽蒙城令。慈祥豈弟，一以愛民爲主。其廳事四壁，編書先正格言，以自警。民多德之，秩滿引年致仕。卒於家。所著有龜雀山人吟稿二卷，貽晒稿三卷。

廣東叅議楊信民誠

楊誠字信民，以字行。新昌人。永樂庚子鄉試，授工科給事中，使江西，整飭軍伍，宿弊盡洗。正統癸亥，遷廣東左叅議。雷化高燕諸郡盜起，信民用計招捕，獲其渠魁餘黨悉平，以誣逮繫。己巳秋，英廟北狩，詔釋信民守白。

羊口以備虜而廣東賊黃肖養越獄倡亂省城洵洵廣人乞還信民詔拜左僉都御史往撫之比至則廣州已被圍數月信民開城發廩給木牌縱民出入遣使齎檄入肖養營撫諭肖養素感服信民威德卽大喜約日投降信民單騎出城賊衆皆倒旗羅拜肖養泣下跪訴信民安坐諭以禍福投降者以千萬計越五日信民復單騎往降者益衆未幾董都督統大軍來賊遂中變景泰元年三月五日有大星隕城外無何信民暴卒廣人奔走號泣舉城縞素肖養聞之撫膺大痛以身投地曰吾

屬無生望矣。賊衆皆哭，山谷俱震。事聞，遣官諭祭，謚恭惠。其後董都督以大軍勦賊，所過輒屠之，廣民呼天淚血，益思信民，不置。相率走京師，奏請立祠祀之，制曰可。

廣西按察使江元勛勛

江勛字元勛，奉化人。景泰五年進士，擢河南道監察御史。兩命巡按山東湖廣，山東苦飢，民多流亡，乃設法賑貸。田野安生，湖湘旱澇，相仍穀價騰湧，民不堪命，而內臣銜命將啓局造紙，聞者洶洶，勛秉燭草疏，奏罷之。比還京，總臺委看詳三法司事，適曹吉祥構難，天子震

怒憲臣奉行天討。勛侃侃持正。盡心諫。鞠獄詞數千。筆下筆立就。諸大臣深器之。擢廣西按察使。蠻峒弗靖。興歲發兵。搗其巢穴。勛謀畫撫綏朝夕靡懈。斥貪去暴。綱紀肅然。以內艱歸。先是勛爲御史。嘗薦其里人在繪。袁勛以明經授訓導。勛屢過勛門。未嘗入謁。子弟以爲言。勛曰。此吾所以舉勛也。其識量如此。服未闕。遘疾而卒。

汀州通判吳廷用桓

子照杰附

吳桓字廷用。鄞人。父江。正統間。以周右徙實京師。桓侍行。遂以順天籍。中景泰癸酉鄉試。選汀州府通判。嘗攝

守事剖決如流。庭無滯訟。上杭阻山爲固。溪南民多反側。桓撫以恩威卒服。其化已而。朝廷遣重臣巡視。民訛傳剽之。輒嘯聚欲亂。桓單車往諭。衆遂帖然。時遷長沙縣學。治城上。杭大役屢作而不率民一錢。丁憂服闋。改常州職專督賦。賦戶長歲贖千金爲壽。名分例錢。桓堅却之。秩滿當遷。常民詣關上書請留之。陞本府同知。九年加四品俸。又五年。剔蠶登好。吏墨如洗。時宜興山崩。暴水墊溺。瀕死者衆。桓卽發倉濟之。又捐俸爲儀。勸富民出粟以賑。靖江濱海。風濤蝕田。額稅無辦。躬爲屨實。

以新漲沙田米補之郡亢旱不雨祖徒跣詣橫山龍祠致禱以不職自咎歸甫及門而雨歲乃有秋以病乞骸骨進階中憲大夫常州府知府致仕歸三年以疾終子照霍山縣知縣季子杰宿松縣學訓導俱以淳德稱

開封府知府金尚德文

金文宇尚德麗水人監察御史愷之子弱冠登景泰辛未進士第選翰林庶吉士詞藻翰墨雅重文苑出守開封剖斷獄訟不避權勢奉勅審理南畿刑獄受誣得雪者以沉香木刻像祠之又上便民十事詔頒行天下以

爲定式所著有好事錄履素閒吟等書

高州知府曾廷選謀

曾謙字廷選會稽人景泰初領鄉薦授潮州同知更徙韶州所至以廉幹稱遷高州郡守徒獯出沒剽掠民不聊生謙撫綏合宜羣夷戢服至有迎拜道左乞田輸稅以自齒於編氓者高人至今祠祀之

廬州知府朱廷用鏞

曾孫孫炎附

朱鏞字廷用仁和人景泰辛未進士授南京兵部主事歷郎中出知廬州時合肥僧殺其師匿迹服喪舒城民

婦以奸殺其夫六安民殺從弟皆誣坐他人鏞始至閣
成案逮治考竟庶得實因改坐焉御史劉忠魏秉知狀
驚以爲神舉奏旌異陞廣西布政司叅政適鬱林賊起
督撫統兵徃征命鏞紀功已汎諸賊黨師還感疾遂致
仕歸深居簡出屏絕塵事日以方書自娛平生氣岸甚
高於人少許可士多尊慕之曾孫孫炎任寧州知州最
鄉建議有捍禦功

欽州知州陳德溫淳

弟英子瑞從子玗孫侃附

陳淳字德溫鄞人幼有雋才九歲作長松賦景泰癸酉

舉於鄉。授知欽州。蒞政。庶明時靈山民有死獄。株連數百人。會大暑。牢戶皆滿。淳止繫當罪者數人。餘皆出之。守大怒。淳引法力爭。竟不能屈。舊有義倉。儲穀二萬餘石。積爲豪強所侵。悉徵理之。適大侵。民賴以活。撫按賢之。以蘆州知府會薦。命未下而卒。弟英字廷賢。登成化壬辰進士。知廬陵。民歌三異。拜監察御史。以風力聞。子瑞字鳳儀。成化丁未進士。授中書舍人。陞刑部郎。用法平。恕慮囚。兩廣多所平反。情罪允麗者。威富莫能奪。編瘴暴卒。人多傷之。英從子珏字國祥。嘉靖壬辰進士。授

刑部主事。歷官監察御史。瑞子侃。字應和。嘉靖丙戌進士。拜刑科給事中。歷官太僕寺少卿。始珵與侃未第時。同業郡庠。以文學德行相師友。比在臺諫。俱以剛直名。談者以爲一門之盛。

濟縣知縣葉廷衡

葉衡字廷衡。平陽人。博學有孝行。以文章負名。當嘉泰中。授濟縣知縣。操守廉潔。民呼爲葉青天。濟當孔道。牒訟坐集。衡發奸擿伏。吏不敢欺。時有盜于貢墓者。逮數十人。衡以計鞫之一訊而服。人稱其神。濟地瘠。通彰

德、守將不戢士卒、恣其爲暴、衝奏譴其指揮三人、百戶十人、由是軍衛警服、民始獲安、臺臣交章薦之、以老謙歸、自號宜休居士、所著文曰宜休集。

秦和丞孫景暉

孫暉字景暉、海寧人、景泰壬申、以賢良方正薦、授江西秦和縣縣丞、邑素多豪大家、暉奉職循理、不爲威屈、嘗親定徃後、旦夕令下、請託不及、行人稱爲霹靂手、指其牒爲鐵板榜文、言其公平允當、不可更易也、擢博白縣知縣、韓襄毅雍征大藤峽、暉從行、多著勞績、超授溇州

府知府改立郡學以作興人材文教聿起哨守諸將失
律喪師障宣布威德輯和民夷邊鄙不聳歲飢米價翔
湧出公廩粟減值以惠飢民屬邑有爲民蠹者乃逮其
尤置諸法邊郡大治擢山東右叅政致仕卒

桐城知縣陳良金鏐

陳鏐字南金慈谿人領景泰七年鄉薦授桐陵令政尚
寬厚愛民如子民亦愛之如父母至馭吏則執法不回
清慎終始如一後引年歸囊篋蕭然遺子孫以清白惟
以山水文籍自娛人稱爲樂泉先生

寧國府知府沈士彝性

沈性字士彝會稽人景泰辛未進士授雲南道監察御史嘗出按邊關代還見畿內多陷胡卽疏言此屬不諳畊種惟仰給縣官類多貧窮濫逸徃者達虜入寇有乘機剽掠或叛去者蓋夷狄豺狼也豺狼非可馴之物夷狄豈報義之人西晉之事蓋可鑒矣今貴州苗蠻未靖宜遣隨征事平就留居彼旣可弭前日叛去之患又可免後日意外之虞兵部聽其言會苗平不果行識者惜之英廟復辟首陳六事已而郡守員缺命公卿會舉

賢能者任之性遂出守寧國刻剔姦弊一以惠利爲本
訟至立斷罔回無繫囚令行禁止吏民悅服尤加意學
校勸課士子公暇卽引諸生入後堂親爲講授諸生有
苦日用不足者隨家貧富量撥田畝爲讀書費至今守
爲定法其自爲學勤勵不輟每夜張燈讀書至三鼓或
疑其過性曰仕而優則學學所以爲臨政之資也吾安
敢自逸哉在治八年政爲畿內諸郡最未幾以父憂去
性至孝友初聞父病便欲弃官比聞計哀慟幾絕卽日
上道歸治喪葬盡禮與力旣襄事而弟死性益哀痛竟

以是得疾疾殆歎曰修短有數死何足惜第恨不得畢忠孝於君親耳言不及他而逝

廣西叅政錢文煥與

錢與字文煥鄞人正統丙辰進士授戶科給事中陞廣西叅政時桂林義寧有警或議轉餉隣邑以給士與曰因糧於敵法也一戰而克則敵之儲固我之糧也不若給之以貲則民不擾而兩利矣議者誦焉潯州老監寇起以單騎諭平之尋陞湖廣左布政使內艱服闋補廣西民額手相慶曰不圖復見我錢叅政都御史韓雍征

大藤峽會歲侵以軍餉爲憂與措置得宜上下克給凡
所俘獲尤極詳讞得活者甚衆力請致仕歸善養生之
術以高年終

涇縣知縣劉克剛侃

劉侃字克剛嘉善人景泰初領鄉薦授涇州知州政尚
寬簡朔方歲事征討涇當要衝大將提兵必道涇侃措
置有方雖供億百出而民不擾都御史馬文昇嘉其績
與御史劉廷高交章論薦擢守延平延平地僻民淳侃
一以清靜爲理政有餘閒時與寮賓客游詠唱酬有

府倅恃才凌轢侃置弗校未幾倅沒撫恤其家歸其喪
特稱長者侃素廉約言及貪者輒赧頰兩赴官皆甯產
以行及謝病歸囊無長物授徒自給足不入城市自稱
曰樂閒公

鎮江府知府林一鶚

林鶚字一鶚太平人景泰二年進士初爲御史時言官
得志輒妄言掃掖中傷人益交結橫甚鶚獨持大體略
細故裕陵復位盡左遷諸言事瑣很挾勢鳴張者簡
詔守正持大體者爲大郡知府鶚得鎮江比鶚召見賜

飲食楮幣論所以擢用意。鶚至郡汲汲與利除害不出。一言暴前人短。鎮江漕河孔道。往經孟瀆險議。鑿河七里。港引金山上流。通丹陽。避孟瀆。鶚言迂遠多石。又壞民廬墓。按京口關甘露壩。故迹稍深。浚通舟。春夏啓關。秋冬渡壩。道里近。功力省。又不損民壞地利。甚便。竟停役。從鶚言。未幾更劇治。蘇州鶚一切簡靖。卽有建革。繼審嚴再三。兵人重鶚名。且夕責效。頗笑守迂緩。已而見其深思曲筭。圖又遠利。卽又稱林太守康濟才也。越拜江西按察使。平反冤獄。必據律。不肯輕重。輕徇上下意。

廣信有妖賊妄稱天神，百姓驚疑，有潛附之者。鶴榜簿其惡事，遂解否。且用兵，或起大獄，歷兩布政使。歲飢，奏減民田租十五萬石。成化六年，陞南刑部侍郎，服闋補北。未幾卒於官。貧，無以爲歛。黃文毅謝文肅二公經紀歸其喪。嘉靖二十二年，御史趙大佑上鷄節行，贈刑部尚書，謚恭肅。

湖廣僉事邵叔璋琮

孫樞榭子諒附

邵琮字叔璋，仁和人。登天順庚辰進士，授大理評事，持法嚴明，存心公恕。諸獄鞫多所平反。累擢湖廣僉事，持

武岡諸縣初燬於兵琮至竭力撫綏築城建縣士民歸之。又還奇設策擒孝感巨寇李善境內。然陟四川按察司副使俗喜告訐而琮聽斷精敏庭無留獄未幾致政歸徜徉湖山足跡不入公府人高其賢孫根仕至福建副使子諒質樸有王父風。

贛州知府姜廷鼎

姜璉字廷鼎蘭谿人天順庚辰進士授山東寧海州知州陞贛州守丁內艱改永平卒歷官通敏有治績嘗大書榜公堂云治官事如家事以民心爲己心時稱良吏

所著有疑香稿喪禮書咏史詩藏於家

高密縣知縣蕭用光昱

蕭昱字用光山陰人天順壬午魁鄉試授貴溪令以簡
易慈愛爲政民甚德之丁內艱服闋補高密初民困於
征輸皆相率亡去昱至緩征發賑流徙漸歸密地當沙
河下漚漫流殺稼昱治塘浚渠取南人水耕法教民濱
海爲田立均徭九等例兩臺取其式頒之通省政暇親
課諸生朔望集耆老於庭導民孝弟卒於官民傾邑哭
送有及淮而返者兩邑皆祠祀之子鳴鳳自有傳

平原縣知縣王宗元愷

王愷字宗元定海人。領成化辛卯鄉薦。授薊州學正。遷平原令。遇旱。愷齋戒禱雨。雨輒應。禾稼以登。齊俗多盜。有麥商夜經村寺被劫。陳於縣。愷故匿其事。陰令販豆者。和少熟豆。其中夜過寺門。復劫去。令捕兵易服。就寺僧貨豆。中有熟者。遂收捕。不待訊而服。自是盜賊屏跡。稱爲神明。後權要以非法相強。愷曰。令可去。國法不可撓。遂求致仕。家居三十餘年。自稱樂休居士。有樂休集。

知合州金崇厚祺

金祺字崇厚麗水人父忠以言事謫戍遼陽祺年二十
二上疏乞代不允及聞父死徒步走數千里扶柩歸葬
以孝稱登成化甲辰進士授知合州有殺一家六人者
獄經七年不決祺承檄往鞠之是夕夢一老媪拜橋下
指水曰刀在此處明日果於水中得刀出示罪人不訊
而服人謂異政歷衡州知府進階亞中大夫所著有避
名稿茅齋集

嘉定知縣王用仁術

王術字用仁慈溪人成化丁未進士授嘉定知縣吏事精敏民隱洞然縣故有積荒之田千餘頃賦每責辦於里胥術招撫流移計口投畝給種與牛於是流民復業賦有所出瀕海介蠱害稼術爲文驅之其害遂息而歲更有秋召拜監察御史風采凝峻聲稱赫然劾壽寧侯張鶴齡飲酒不敬無人臣禮權貴震懾奉命查盤兩廣悉心勞瘁卒於梧州督學使者黃如金作三王祠於嘉定以祀名宦術爲之首

淮安通判李誠之文昭

李文昭字誠之鄧人登成化庚子鄉薦授淮南通判飭
已愛民上下安之適歲大飢道殣相望乃說守長屬僚
各捐俸入井公私得米數千石昭親爲粥分哺之活人
以萬計沐陽有腴田數千頃故有溝澮久之不理墮高
堙庫旱潦俱病昭爲疏導陂障民獲其利考最遷南寧
同知飭已愛民一如淮安以薦遷潯州知府已而命下
乃得重慶未行况村土官黃文昌倡亂乃單騎往諭降
之既以馳驅勞瘁感瘴卒時論謂昭生以忠誠報國死
以清白貽家

武平縣知縣徐端

徐端瑞安人成化間由太學生授武平縣知縣民俗喜
聞訟而不尚詩書端改建學宮於爽塏之地銳意作興
訟者至每從容譬諭俟其自改未嘗輒加鞭朴人皆化
服從訟之風頓息先是邑多水潦蕩析民居端爲築大
隄數里以禦之始免墊溺之患卒於官士民多有爲之
行服者

鳳陽府知府章元進銳

章銳字元進鄞人成化壬辰進士官刑部主事進郎中

剖析滯獄法比精於老更出守鳳陽會有羣爲巫覡者
吏捕當以反逆銳庶知其寬用左道惑衆律誅其首而
釋其餘 孝皇御極應詔陳言上鳳陽軍民利病及天
下時政十八事多議行者壬子旱蝗罪已雪請雨轉斛
復奏蠲稅三之二陞湖廣布政司叅政會錦田苗種反
山多瘴癘當事者憚不行銳獨蒙犯霜刃以孤軍添人
平之竟感疾卒於臨武將屬續循屬從吏某事如何某
事如何言不及私盡瘁王事蓋逮死不忘云

莆田丞朱孟瑜瑾

子燦附

朱瑾字孟瑜游盪人成化乙巳授莆田丞勤恭輔令採
覈災傷督漕驛傳膏攝縣事恤民潔獄不使穢病初繁
者莆有平海蒲菴二軍儲每蒞出納大盃注水投木以
浮沉決去取時有貴豪子造巨舶通島夷爲奸利臺梟
檄瑾往按竟毀舶致之法不少徇子陳將應浙試莆士
私告曰邑博程檄典浙文衡幾會弗可失辭曰有命檄
倖匪吾願也未幾謝政歸更號半陶曠卒起家歲貢終
汀州司訓

南陵縣知縣沈德元

沈元字德元，慈谿人。成化間，以進士知甯陵縣。值歲大侵，民洶洶不保。元發帑藏，勸富民出粟賑之，民賴以安。召拜監察御史，出按淮陽。不瑱屑細務，獨持大體。陞湖廣僉事。武昌故多大獄，元閱案，每至夜分，假寐輒興，務得其情人目之爲一路臯陶。按部至長沙，以勞瘁卒。長沙士民痛元以死勤事，請之當路，俎豆學宮。

廬江縣知縣梅江

梅江宣城梅聖俞之裔。宋南渡，始居嘉興。江登成化己丑進士第，始授廬江令。興利剔蠹，政聲籍甚。士民尸祝。

之擢南道監察御史時儲位未定大臣莫敢言江首璠力請上嘉納賜緘金豸服已奉命清戎兩廣寬恤部伍招撫流移遷四川僉事決疑獄數十事蜀人以梅鏡稱之

應天府尹吳文英雄

吳雄字文英其先仁和人自其大父始居京師成成化戊戌進士授刑部主事遷員外郎郎中擢河南按察司副使會使久缺多留獄雄至攝司事盡取而決之獄爲之空轉湖廣按察使時歲旱城中多火災雄禱而雨火

滅連三歲旱。騰輒雨。楚人歌之。彬州蠻侵掠。屠人有刃
蒐捕之。窮詰其黨。欲盡致之死。雄以爲此孱弱小醜。無
能爲必喜事者。爲之張皇耳。第取其首惡。誅之餘。無所
問。拜應天府尹。初視事。日集僚佐堂上。令吏執籍出。登
金一。一點視之。曰。政貴謹始也。果亡銀若干錠。雄密察
之。卽得盜者一府。以爲神。先是給路引者。例入銀。以供
堂餐。尹多自取之。雄獨籍之。官或以爲矯。明年兵部下
冬。收諸路引錢歸之京師。以備邊用。衆益服其慮。明年
歲南。農旱。應天爲甚。而總漕者。亟征兌運米。雄曰。民病

已甚不可重擾輒奏止之又請兩淮所貯綱米三十餘萬石以賑飢者全活以億萬計甲子秋監鄉試以積勞成疾會當入覲兼程行比至潞河疾劇卒年五十有六雄爲人簡直居官肅謹奉法棘棘不阿臨事能斷摧奸擊惡推見至隱而心一主於惠愛嘗讀趙廣漢傳歎曰構會吏民以賊無辜是豈爲民父母之道宜其見刑也至龔黃傳則曰爲吏者當如是矣

興化府知府王存敬疏

王弼字存敬黃岩人以進士知深水三年績最人爲刑

部主事轉員外郎出守興化或爲艱難弼曰第視之既至則曰是故秉禮之鄉視溧易與則盡出古意爲之律身必端布令必信制度必節祀典必嚴科貢必厚郡孝節必舉必旌飲射宗儀禮登降拜跪盡日無惰容俗婚喪過侈俠子事賭博家爲落乃設牌正副定中式書勸戒文使時開諭弗變伺舉以懲五伯攝人狐假爲虐乃立限批明書期日按訟者自付被論執就理後期有咎民得無擾賦稅更徭吏胥多舞智剝身自處分使受成案無所與事苞苴杜絕養濟院居河上流先是欲遷輒

格不行，兩擇騰壇之右，立屋園井，廁視舊特軒，厥悉。其
屋焚之，平其地，立射圃。端午，競渡，長訟耗費，禁者乏要
領，迄未能息。弼使自手實，盡市以修橋梁，私匿者逮及
社人，無縱。樊源頓塞，公牘藜委，笑語指揮，每旦日視事，
日中則庭無留人，坐公堂，閱古書，宿樊清汰，而利所宜
興，無復後遺獄訟。衰止盜賊，屏息治理，書天下最。蕭百
餘年之守，宜未有先者。故弼安於莆，而莆若不可一日
無弼者，德者感，罪者媿，無怨去，而思來，而喜病，而禱而
上，沒而祠，而碑，請衣冠而葬，風謚盈耳，哭者聲必哀，盡

焉實弘治戊午十月也。弼形短無中人而神觀英爽。明
柄幾先。迺脫丹累。隱然古君子。自期天下。視爲國器。什
餘能自力爲詩。清硬。崛竒。歸然獨露。風骨在。刑部時人
稱小翰林云。

建寧府知府張用載大輪

張大輪字用載。東陽人。少師事章樞山先生。有志聖賢
之學。舉正德甲戌進士。釋褐工部主事。三載報政。忽憂
父病。心動告急。歸抵家。而父已屬纊。猶得親視飯含。以
歛。人以爲孝感。起服。補刑部主事。轉郎中。訊囚得活者

吏治

卷之二十八

卒

光緒

數百人擢建寧府知府部中有酏酒殺兄者行賄有司
又不決大輪至立置之法時旱久卽時雨澍說者以比
東漢孟嘗古因寇作當道持首鼠計撫無決計大輪獨
馳檄曉以禍福應時解散不煩寸兵而地方以寧尤溪
二大姓構訟踰三十年結營圍死者百餘人大輪奉臺
檄單騎馳往不數語而兩家之難解卽詣臺伏罪曰非
張太守幾不得復爲良民更知常州擢福建按察副使
江西叅政干旄所指輒著靖亂之畧以母喪歸竟以不
勝喪卒